

INFORME SOBRE O PROXECTO DE ORDE POLA QUE SE MODIFICA A ORDE DO 3 DE ABRIL DE 2009 POLA QUE SE APROBA O REGULAMENTO DE FUNCIONAMENTO DO CONSELLO REGULADOR DA AGRICULTURA ECOLÓXICA DE GALICIA.

Esta Secretaría Xeral Técnica, en cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, emite o seguinte,

INFORME

1. Obxecto e estrutura

O obxecto desta orde é a modificación do anexo da Orde do 3 de abril de 2009 pola que se aproba o Regulamento de funcionamento do Consello Regulador da Agricultura Ecolóxica de Galicia.

O proxecto de orde estrutúrase nun único artigo e unha disposición derradeira.

2. Marco normativo e competencial

O Decreto 4/2007, do 18 de xaneiro, polo que se regulan as denominacións xeográficas de calidade do sector alimentario e os seus consellos reguladores, establece na disposición adicional primeira que as disposicións deste decreto serán de aplicación ao consello regulador da agricultura ecolóxica, no que sexa compatible coa natureza de ésta, como denominación de calidade de carácter non xeográfico.

O Decreto 4/2007, do 18 de xaneiro, polo que se regulan as denominacións xeográficas de calidade do sector alimentario e os seus consellos reguladores, no seu artigo 4, establece que para as posteriores modificacións dos regulamentos, deberase presentar ante a consellería competente en razón á natureza do produto a proposta de modificación sometida a debate e aprobada polo pleno. Esta proposta seguirá os trámites contemplados no devandito artigo para a solicitude de recoñecemento e precisará de aprobación por orde da persoa titular da consellería

competente en materia de agricultura que será publicada no Diario Oficial de Galicia.

O Regulamento vixente de funcionamento do Consello Regulador da Agricultura Ecolóxica de Galicia aprobouse mediante a Orde da Consellería do Medio Rural do 3 de abril de 2009, (DOG núm. 70, 14.04.2009). Posteriormente este regulamento modificouse mediante as ordes desa mesma consellería do 4 de febreiro de 2011, (DOG núm. 28, de 10.02.2011) e do 14 de decembro de 2018, (DOG. núm. 244, do 24.12.2018).

Polo demais, e no que se refire á competencia, de conformidade co disposto no Estatuto de autonomía de Galicia, no seu artigo 30.1.tres e catro, determina que corresponde á Comunidade Autónoma de Galicia, de acordo coas bases e a ordenación da actuación económica xeral e a política monetaria do estado, nos termos do disposto nos artigos 38, 131 e 149.1.11 e 13 da Constitución, a competencia exclusiva, en materia de agricultura e gandería e denominacións de orixe en colaboración co Estado. De conformidade co Decreto 223/2022, do 22 de decembro, polo que se establece a estrutura orgánica da Consellería do Medio Rural, a Consellería do Medio Rural é o órgano da Administración Pública galega ao cal lle corresponde propor e executar as directrices xerais do Goberno no ámbito rural, que engloba as competencias en materia de agricultura, gandería, desenvolvemento rural e ordenación comarcal, estruturas rurais, industrias alimentarias, montes, prevención e defensa dos incendios forestais, de acordo co establecido no Estatuto de autonomía para Galicia e segundo os termos sinalados pola Constitución española, na forma establecida nese decreto.

3. Tramitación

O expediente relativo ao proxecto de Orde do 3 de abril de 2009 pola que se aproba o Regulamento de funcionamento do Consello Regulador da Agricultura Ecolóxica de Galicia, está integrado pola seguinte documentación:

- Acordo de inicio da tramitación do anteproxecto de orde asinado pola Conselleira do Medio Rural en data 15/10/2024.

- Memoria xustificativa asinada polo director da Axencia Galega da Calidade Alimentaria.

- Informe da Subdirección Xeral de Réxime Xurídico de data 30/10/2024.

Polo que respecta á instrución na elaboración do proxecto normativo, esta encadrouse no procedemento legal e nas prescricións contidas nos artigos 40 a 44 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

De conformidade co artigo 41.4 da Lei 16/2010, do 17 de decembro, a aprobación inicial do anteproxecto como proxecto pola persoa titular da Consellería do Medio Rural tivo lugar en data 04/11/2024.

O texto foi publicado no Portal de Transparencia e Goberno Aberto, en cumprimento do disposto na Lei 1/2016, do 18 de xaneiro, de transparencia e bo goberno e nos artigos 41 e 42 da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

Na fase final da tramitación, foi sometido ao informe da Asesoría Xurídica da Xunta de Galicia, emitíndose o informe favorable en data 07/02/2025.

En cumprimento do disposto no artigo 43.4 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería do Medio Rural.

De conformidade co exposto, esta Secretaría Xeral Técnica informa favorablemente o proxecto de Orde pola que se modifica a Orde do 3 de abril de 2009 pola que se aproba o Regulamento de funcionamento do Consello Regulador da Agricultura Ecolóxica de Galicia.

Santiago de Compostela, na data da sinatura dixital

O secretario xeral técnico
Jorge Atán Castro